



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐ

Հ Ր Ա Մ Ա Ն

ք.Երևան

« 15 » 11 2024թ N 2780-Չ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐԻ
2019 ԹՎԱԿԱՆԻ ՍԵՊՏԵՄԲԵՐԻ 6-Ի N 1081-Ա ՀՐԱՄԱՆՈՒՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ԵՎ 2024 ԹՎԱԿԱՆԻ
ՀՈԿՏԵՄԲԵՐԻ 16-Ի N 1841-Ա ՀՐԱՄԱՆՆ ՈՒԺԸ
ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 34-րդ հոդվածի 1-ին մասով, 37-րդ հոդվածով, հիմք ընդունելով Հայաստանի Հանրապետության վարչապետի 2019 թվականի հունիսի 1-ի N 658-Լ որոշմամբ հաստատված հավելվածի 18-րդ կետի 21-րդ ենթակետը և Հայաստանի Հանրապետության վարչապետի 2024 թվականի հոկտեմբերի 11-ի N 917-Ա և նոյեմբերի 1-ի N 979-Ա որոշումները՝

հ ր ա մ ա յ ու մ ե մ .

1. Հայաստանի Հանրապետության Էկոնոմիկայի նախարարի 2019 թվականի սեպտեմբերի 6-ի «Էկոնոմիկայի նախարարի տեղակալների կողմից համակարգվող գործունեության ոլորտները (բնագավառները) սահմանելու, նախարարի տեղակալների միմյանց փոխարինումը կազմակերպելու, Հայաստանի Հանրապետության տնտեսական զարգացման և ներդրումների նախարարի 2018 թվականի հունիսի 22-ի N 461-Ա և Հայաստանի Հանրապետության գյուղատնտեսության նախարարի 2018 թվականի փետրվարի 8-ի N 40-Ա հրամաններն ուժը կորցրած ճանաչելու մասին» N 1081-Ա հրամանում (այսուհետ՝ Հրաման) կատարել հետևյալ փոփոխությունները.

1) Հրամանի 2-րդ կետի 1-ին ենթակետում «Նարեկ Տերյան» բառերը փոխարինել «Էդգար Զաքարյան» բառերով.

2) Հրամանի հավելվածը շարադրել նոր խմբագրությամբ՝ համաձայն հավելվածի:

2. Ուժը կորցրած ճանաչել Հայաստանի Հանրապետության Էկոնոմիկայի նախարարի 2024 թվականի հոկտեմբերի 16-ի «Էկոնոմիկայի նախարարի տեղակալի համակարգման լիազորությունները ժամանակավորապես վերապահելու մասին» N 1841-Ա հրամանը:

3. Սույն հրամանն ուժի մեջ է մտնում ստորագրման պահից և տարածվում է 2024 թվականի նոյեմբերի 11-ից ծագած հարաբերությունների վրա:

Ստորագրող
ԳԵՎՈՐԳ ՊԱՊՈՅԱՆ
2102870448

2024-11-15 15:03:47 GMT+4
Հավաստված է ԷԿԵՆԳ-ի կողմից



ԳԵՎՈՐԳ ՊԱՊՈՅԱՆ

Հավելված
ՀՀ Էկոնոմիկայի նախարարի
2024 թվականի նոյեմբերի 15 -ի
N 2780-Ա հրամանի

«Հավելված
ՀՀ Էկոնոմիկայի նախարարի 2019 թվականի
սեպտեմբերի 6-ի
N 1081 -Ա հրամանի

Էկոնոմիկայի նախարարի տեղակալների կողմից համակարգվող գործունեության ոլորտները (բնագավառները)

1. Էկոնոմիկայի նախարարի տեղակալ Արման Խոջոյանը համակարգում է՝

Գյուղատնտեսության ոլորտի զարգացմանն ուղղված քաղաքականության, այդ թվում՝ գյուղատնտեսության զարգացման ռազմավարական ծրագրերի մշակման և իրականացման, իր իրավասության սահմաններում տնտեսության ճյուղերի վարչական ռեգիստրի վարման, ազգային թվային գյուղատնտեսության հարթակների ստեղծման, պարենային անվտանգության և ապահովության, ագրովերամշակման, գյուղական համայնքների կայուն զարգացման, գյուղատնտեսության ոլորտում խորհրդատվության, տեխնոլոգիական վերազինման և ինովացիոն լուծումների ներդրման, գյուղատնտեսության արտադրատեխնիկական սպասարկման, գյուղատնտեսական հողերի արդյունավետ օգտագործման, գյուղատնտեսական հողերի մշտադիտարկման, մելիորատիվ վիճակի բարելավման ու պահպանման, գյուղատնտեսության ապահովագրության, գյուղատնտեսությանը պետական աջակցության, օտարերկրյա պետությունների և միջազգային կառույցների ու կազմակերպությունների հետ գյուղատնտեսության ոլորտում համագործակցության բնագավառները՝ նախարարության ագրովերամշակման, գյուղատնտեսական ծրագրերի նախագծման և գյուղատնտեսական ծրագրերի իրականացման, գյուղատնտեսական խորհրդատվության և նորարարությունների վարչությունների, Հայաստանի խաղողագործության և գինեգործության հիմնադրամի, «Գյուղական տարածքների տնտեսական զարգացման ԾԻԳ» ՊՀ-ի միջոցով:

2. Էկոնոմիկայի նախարարի տեղակալ Տաթևիկ Սարգսյանը համակարգում է՝

Բուսաբուծության, անասնաբուծության, սննդամթերքի անվտանգության, օրգանական գյուղատնտեսության, հավաստագրված սերմեր արտադրողների, անասնաբուծության և բուսասանիտարիայի բնագավառները՝ նախարարության անասնաբուծության, բուսաբուծության, սննդամթերքի անվտանգության վարչությունների, «Գյուղատնտեսական ծառայությունների կենտրոն» և «Գյուղատնտեսական հետազոտությունների և հավաստագրման կենտրոն» պետական ոչ առևտրային կազմակերպությունների, «Երկրագործության գիտական կենտրոն»,

«Բանջարաբուստանային և տեխնիկական մշակաբույսերի գիտական կենտրոն», «Գյումրիի սելեկցիոն կայան» և «Սննդամթերքի անվտանգության ոլորտի ռիսկերի գնահատման և վերլուծության գիտական կենտրոն» փակ բաժնետիրական ընկերությունների միջոցով:

3. Հկոնոմիկայի նախարարի տեղակալ Նարեկ Հովակիմյանը համակարգում է՝

Հայաստանի Հանրապետություն-Եվրոպական Միություն առևտրատնտեսական համագործակցության ապահովումը, ՀՀ-ԵՄ «Համապարփակ և ընդլայնված գործընկերության համաձայնագրի» առևտրին առնչվող մասով դրույթների իրականացումը, Եվրամիության կողմից տրամադրվող ոլորտային աջակցության իրականացման ապահովումը, Առևտրի համաշխարհային կազմակերպության (ԱՀԿ) հետ համագործակցության ապահովումը, արտահանման զարգացման քաղաքականության, ստանդարտացման և չափագիտության, որակի ենթակառուցվածքների զարգացման՝ տեխնիկական կանոնակարգման, համապատասխանության գնահատման, ինչպես նաև համապատասխանության գնահատման մարմինների հավատարմագրման, մակրոտնտեսական վերլուծությունների և հետազոտությունների, հանրային ներդրումների կառավարման բարելավման, պետություն-մասնավոր գործընկերության զարգացման, Հայաստանի Հանրապետությունում և արտերկրում ներդրումային և պետություն-մասնավոր գործընկերության ծրագրերի իրականացմանը պետական աջակցության, կանաչ և կայուն տնտեսական զարգացման, միջազգային տնտեսական ինտեգրման քաղաքականության մշակման, ԱՊՀ և Եվրասիական տնտեսական միության հետ համագործակցության, առևտրային քաղաքականության, արտաքին առևտրի խթանման, ներքին շուկայի պաշտպանության և հակազնագցման միջոցների կիրառման քաղաքականության մշակման, սակագնային և ոչ սակագնային կարգավորմանն ուղղված միջոցառումների մշակման բնագավառները՝ նախարարության Եվրամիության հետ տնտեսական համագործակցության, որակի ենթակառուցվածքի զարգացման, միջազգային համագործակցության, տնտեսական հետազոտությունների, հանրային ներդրումների, առևտրի և ինտեգրացիայի վարչությունների, «Ստանդարտացման և չափագիտության ազգային մարմին» փակ բաժնետիրական ընկերության, «Հավատարմագրման ազգային մարմին» պետական ոչ առևտրային կազմակերպության և «Հայաստանի արտահանման ապահովագրական գործակալություն» ապահովագրական փակ բաժնետիրական ընկերության միջոցով:

4. Հկոնոմիկայի նախարարի տեղակալ Սևակ Միքայելյանը համակարգում է՝

Գործարար միջավայրի և մրցակցային պայմանների բարելավման, ներդրումային քաղաքականության, ներքին շուկայի կանոնակարգման և տնտեսական մրցակցության պաշտպանության, ներքին շուկայի կանոնակարգման ու պաշտպանության քաղաքականության մշակման, սպառողների շահերի պաշտպանության համակարգի բարելավման, տնտեսական

մրցակցության պաշտպանության քաղաքականության և սպառողների իրավունքների պաշտպանության և անվտանգության ապահովման մեխանիզմների մշակման, ձեռներեցության զարգացման, փոքր և միջին ձեռնարկատիրության զարգացման, պետական և մասնավոր հատվածի համագործակցության երկխոսության ոլորտային հարթակների ձևավորման, ձեռնարկատիրության ոլորտում տեխնոլոգիական վերազինման և ինովացիոն լուծումների ներդրման, գիտելիքահենք տնտեսության ձևավորման և զարգացման, մտավոր սեփականության պահպանության և առևտրայնացման, մտավոր սեփականության իրավունքի պաշտպանության, փոքր և միջին ձեռնարկատիրության սուբյեկտների գործունեության արդյունավետության և մրցունակության բարձրացման, փոքր և միջին ձեռնարկատիրության սուբյեկտներին տեխնիկական և ֆինանսական աջակցության, ֆինանսական հասանելիության և կապիտալի շուկայի զարգացման անհրաժեշտ շուկայական գործիքների և մեխանիզմների մշակման բնագավառները՝ նախարարության գործարար միջավայրի, ձեռներեցության, գիտելիքահենք տնտեսության, ֆինանսական ենթակառուցվածքների զարգացման վարչությունների, Մտավոր սեփականության գրասենյակի և «Նորամուծության և ձեռներեցության ազգային կենտրոն» պետական ոչ առևտրային կազմակերպության միջոցով:

5. Էկոնոմիկայի նախարարի տեղակալ Էդգար Զաքարյանը համակարգում է՝

Արդյունաբերության մրցունակության բարձրացման և զարգացման, արդյունաբերության՝ այդ թվում՝ ծանր արդյունաբերության, քիմիական արդյունաբերության ոլորտներում տեխնոլոգիական վերազինման և ինովացիոն լուծումների ներդրման, թանկարժեք մետաղների և քարերի արտադրության, ինչպես նաև թեթև և ստեղծարար արդյունաբերության զարգացման (այդ թվում՝ մասնավոր հատվածի ծրագրերը խթանող գործիքակազմի մշակման և կիրառման) բնագավառներում քաղաքականության մշակման և իրականացման, տարածքային տնտեսական զարգացման, զբոսաշրջության քաղաքականության մշակման, ներդրողների ներգրավման, ներդրումների ու ներդրողների պաշտպանության, ներդրումային ծրագրերի և ներդրողների հետներդրումային սպասարկման բնագավառները՝ նախարարության արդյունաբերության քաղաքականության, թեթև արդյունաբերության, ռազմավարական ոլորտների, ներդրումային ծրագրերի վարչությունների, «Հայ-Ալմաստ» փակ բաժնետիրական ընկերության, «Հայաստանի Հանրապետության ռազմավարական զարգացման կենտրոն» հիմնադրամի միջոցով:»